



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅԻՐ

(ՀՀ, համայնք ԵՐԵՎԱՆ, ԱԶԱՓՆՅԱԿ, ՀԱԼԱԲՅԱՆ Փ., շենք 41Ա, 10-ԲԴ ՀԱՐԿ)



ՈՐՈՇՈՒՄ

Հայցադիմումը վարույթ ընդունելու, պատասխանողից ապացույցներ
պահանջելու

և դատական ակտի հրապարակման օր նշանակելու մասին

ԵԴ2/8367/02/24
10 Հոկտեմբերի 2024թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական
դատարանի դատավոր Ն.Ավետիսյանն ծանոթանալով «ԱՆՆԱՐԿԱ» ՍՊ ընկերության
ներկայացուցչի կողմից ներկայացված հայցադիմումին և կից փաստաթղթերին.

ՊԱՐԶԵՑ

«ԱՆՆԱՐԿԱ» ՍՊ ընկերության ներկայացուցչի կողմից հայցադիմում է
ներկայացվել դատարան ընդդեմ ՀՀ առողջապահության նախարարության
Վ.Ա.Ֆանարջանի անվան ուռուցքաբանության ազգային կենտրոն ՓԲ ընկերության`
05.09.2024թ.-ի «Վ.Ա.Ֆանարջանի անվան ուռուցքաբանության ազգային կենտրոն» ՓԲԸ-ի
կողմից Վ.Ա.Ֆանարջանի անվան ուռուցքաբանության ազգային կենտրոն» ՓԲԸ-ի
կարիքների համար` բժշկական նշանակության ապրանքների մատակարարման թիվ
ՈԲԱԿ-ԳՀԱՊԶԲ-24/3-19 ծածկագրով պայմանագիրը միակողմանի լուծելը և «ԱՆՆԱՐԿԱ»
ՍՊԸ-ին գնումների գործընթացին մասնակցելու իրավունք չունեցող մասնակիցների
ցուցակում ներառելու վերաբերյալ 16.09.2024թ. «Վ.Ա.Ֆանարջանի անվան
ուռուցքաբանության ազգային կենտրոն» ՓԲԸ-ի տնօրեն Նարեկ Սանուկյանի կողմից
ընդունված որոշումն անվավեր ճանաչելու պահանջի մասին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի

համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Նույն հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

ՀՀ քաղաքացիական դատավարության օրենսգրքի 234.6-րդ հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումը ստանալուց հետո՝ հնգօրյա ժամկետում:

Նույն մասի երկրորդ պարբերության համաձայն՝ նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Ուսումնասիրելով ներկայացված հայցադիմումը, կից փաստաթղթերը, գտնում եմ, որ այն պետք է ընդունել վարույթ, քանի որ առկա չեն հայցադիմումի ընդունումը մերժելու կամ այն վերադարձնելու հիմքերը:

Միաժամանակ, ՀՀ առողջապահության նախարարության Վ.Ա.Ֆանարջանի անվան ուռուցքաբանության ազգային կենտրոն ՓԲ ընկերությունից պետք է պահանջել 05.09.2024թ.-ի թիվ ՈԲԱԿ-ԳՀԱՊՁԲ-24/3-19 ծածկագրով պայմանագրի և 16.09.2024թ.-ի «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ-ի տնօրեն Նարեկ Մանուկյանի կողմից ընդունված որոշման հետ կապված իր տիրապետման տակ գտնվող բոլոր ապացույցները:

Ղեկավարվելով ՀՀ քաղաքացիական դատավարության օրենսգրքի 199-րդ հոդվածնով, Դատարանը

ՈՐՈՇԵՑ

1.«ԱՆՆԱՐԿԱ» ՍՊ ընկերության կողմից ներկայացված հայցադիմումն ընդդեմ ՀՀ առողջապահության նախարարության Վ.Ա.Ֆանարջանի անվան ուռուցքաբանության ազգային կենտրոն ՓԲ ընկերության՝ 05.09.2024թ.-ի «Վ.Ա.Ֆանարջանի անվան ուռուցքաբանության ազգային կենտրոն» ՓԲԸ-ի կողմից Վ.Ա.Ֆանարջանի անվան ուռուցքաբանության ազգային կենտրոն» ՓԲԸ-ի կարիքների համար՝ բժշկական նշանակության ապրանքների մատակարարման թիվ ՈԲԱԿ-ԳՀԱՊՁԲ-24/3-19 ծածկագրով պայմանագիրը միակողմանի լուծելը և «ԱՆՆԱՐԿԱ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ 16.09.2024թ. «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ-ի տնօրեն Նարեկ Մանուկյանի կողմից ընդունված որոշումն անվավեր ճանաչելու պահանջի մասին, ընդունել վարույթ:

2. ՀՀ առողջապահության նախարարության Վ.Ա.Ֆանարջանի անվան ուռուցքաբանության ազգային կենտրոն ՓԲ ընկերությունից պահանջել դատարան ներկայացնել 05.09.2024թ.-ի թիվ ՈԲԱԿ-ԳՀԱՊՁԲ-24/3-19 ծածկագրով պայմանագրի և 16.09.2024թ.-ի «Վ.Ա.Ֆանարջանի անվան ուռուցքաբանության ազգային կենտրոն» ՓԲԸ-ի տնօրեն Նարեկ Մանուկյանի կողմից ընդունված որոշման հետ կապված իր տիրապետման տակ գտնվող բոլոր ապացույցները:

3. Այս ցուցանիշները պահանջելու վերաբերյալ որոշումը ՀՀ առողջապահության նախարարության Վ.Ա.Ֆանարջանի անվան ուռուցքաբանության ազգային կենտրոնի ՓԲ ընկերության կողմից պետք է կատարվի սույն որոշումը ստանալուց հետո՝ հնգօրյա ժամկետում:

4. Եզրափակիչ դատական ակտը հրապարակել 2024 թվականի նոյեմբերի 21-ին:

5. Որոշումն ուժի մեջ է մտնում կայացման պահից և բողոքարկման ենթակա չէ:

Դատավոր՝ Նաիրա Ավետիսյան

Տվյալ ֆայլերին կարող եք ծանոթանալ նաև մուտք գործելով ["Էլեկտրոնային դատավարություն" համակարգ՝
cabinet.armlex.am](http://cabinet.armlex.am)